

# Powšitkowne WOZJEWJENJA

njedźelu, 22. decembra 2024

## Adwentny koncert w Radworju

Orchester Budyskeho Serbskeho ludoweho ansambla wuhotuje tutu njedźelu, 22. decembra, w 17.00 hodź. koncert w Radworskim hosćencu „Meja“.  
Link k zastupnym lisćikam je pod [www.posol.de](http://www.posol.de) podaty.

## Hodowny nyšpor z chórom Lipa

Chór Lipa wuhotuje sobotu, 28. hodownika, w 17.00 hodź. swój tradicionelny nyšpor w swětle swěčkow w Róžeńčanskej swjatnicy. Zastup je darmotny. Zběrka po koncerće je lětsa za džěćacu hospicnu službu, kotruž Zhorjelska Křescanska hospicna služba organizuje, postajena. Wšitcy su wutrobnje přeprošeni.

## Silwesterski koncert w Bačońskej cyrkwi

Na koncert k wuklinčenju lěta přeprošuje Bačońska wosada wutoru, 31. decembra, do swojeje cyrkwy. Kaž hižo loni zahaji so koncert hižo w 17.00 hodź.  
Lětsa wuhotujetej jón spěwajo a hudžo indiwidual – kuzinje Hanka Wowčerjowa a Weronika Kalinučyna. Nimo toho přednjese Jana Markowa tři meditacije.

## Nowolětny koncert

Chór Meja přeprošuje wšitkich zajimcow wutrobnje na swój nowolětny koncert, kotryž budže sobotu, 4. januara, we 18.00 hodź. w Radworskim hosćencu „Meja“.  
Składnostnje 130. wobstaća chóra předstaja zabawny program Jurja Winarja „Pilnje džětaj – wjes'le spěwaj“. Přizamknu so reje.

## Hodowny koncert w Chróścicach

Tradicionalny hodowny koncert Chróścanskeho cyrkwinskeho chóra budže njedźelu, 5. januara, w 14.00 hodź. Mjez druhim jón džěćacej šoli a dujerjo sobu wuhotuja. Wšitcy su přeprošeni.

## Putniska jězba do Lourdesa a La Salette

Na putnisku jězbu do Lourdesa a La Salette wot pjatka do njedźele, 16. do 25. meje, přeprošuje Šěrachowski pućowanski běrow A-Teams. Wobdžělnicy wopytaja mjez druhim tež Monaco a Avignon. Dalše informacije a přizjewjenja dóstanu zajimcy pola Matthiasa Hadanka w Hórkach pod telefonowym číslom (01 63) 7 33 82 05 abo w interneće pod [www.ateams.de](http://www.ateams.de).

## Zarjadnistwo w dwěmaj wosadomaj nawjedować

Drježdžansko-Mišnjanske biskopstwo pyta ručež móžno wosobu, kotraž by zarjadnistwo w Kamjenskej wosadze swjateje Marje Madleny a zdobom Šěrachowskeje wosady swjateje Marije donjebjeswzaća nawjedowała. Při tym jedna so wo poľne džěłowe městno, kotrež njeje časowje wobmjezowane. Zajimcy měli hač do póndźele, 27. januara, swoje podložki biskopskemu ordinariatej w Drježdžanach sposrědkować. Adresa a nadrobne wupisanje stej pod [www.posol.de](http://www.posol.de) wozjewjenej.

## **Na swjedžen swjateho Bosćana**

Chróšćanske Bratstwo swjateho Bosćana přeprašuje svojich člonow a zajimcow, so pónđzelu, 20. januara, na swjatočnych kemšach w 9.00 hodź. a na nyšporje w 14.00 hodź. w Chróšćanskej cyrkwi wobdźelić. Přizamknje so hlowna zhromadźizna na farje. Štóz chcył Bratstwu přistupić, měł so w farskim běrowje přizjewić, telefonowe čisło (03 57 96) 80 400.

## **Kniha k lunetam w Hejnicach wušła**

Žiwjenju swjateho Franca Assisiskeho, předstajenemu na scěnach křižneje chódby něhdyšeho klóštra a nětčišeho Kubłanskeho, konferencneho a putniskeho centrum w sewjeročeskich Hejnicach, wěnujetaj so awtoraj dr. Milan Svoboda a profesor dr. Jan Royt w nowej publikaciji „SANCTE FRANCISCE ORA PRO NOBIS – Život světce na lunetách hejnického kláštera / Das Leben des Heiligen in den Lünetten des Haindorfer Klosters“. 200 stron wopřijacu česko-němsku publikaciju z pisanymi wobrazami je Kubłanski, konferencny a putniski centrum – Hejničanski klóšter lětsa wudał, kotrehož rektor dr. Jan Heinzl ju redigowaše. W redakciji Katolskeho Posoła někotre eksemplary předleža, hdžež móža sej zajimcy knihu za 16,00 eurow kupić.

## **Wustajeńca wo Božich narodkach zaso přistupna**

W putniskej hospodže w Hirschfeldže su hač do swjedženja Předstajenja Knjeza, pjatk, 2. februara, zaso Bože narodki wustajene. Wustajeńca Božich narodkow je jeničce z wodženjom přistupna. Tajke poskićuja kóždu sobotu w 14.00 hodź. Snadnjeje wulkosće domu dla měli so zajimcy na kóždy pad přizjewić. Ale tež wosebite wodženja za skupiny z minimalnje sydom wosobami su móžne. Zajimcy měli so telefonisce ze Jeannette Gosteli dojednać, a to z mejlku na [info@pilgerhaeusl.de](mailto:info@pilgerhaeusl.de) abo telefonisce pod čisłom (01 75) 4 08 59 97. Link k nadrobnišim informacijam kaž tež terminy wodženjow su pod [www.posol.de](http://www.posol.de) podate.

## **Mandźelskej seminaraj**

Seminaraj k přihotej na sakrament mandželstwa wotmějetej so klětu stajnje pjatk a sobotu, 7. a 8. februara kaž tež 28. a 29. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach hač do srjedy, 8. januara, online. Link je pod [www.posol.de](http://www.posol.de) podaty.

## **Wukublanje JULEICA darmotny**

Worklečanske młodžinske dušepastyrstwo přewjedže klětu zaso za zajimcow kurs JULEICA. Wukublanje wotměje so stajnje wot pjatka do njedzele, 4. do 6. apryla, kaž tež wot 25. do 27. apryla, w Smochčanskim kubłanišću swjateho Bena. Kompletne wukublanje je darmotne. Zajimcy měli so nimo toho na kursu přenjeje pomocy wobdźelić. Tón budže sobotu, 15. měrca, we Worklečanskim Don Boskowym domje. Kaž dekanatne dušepastyrstwo zdźěli, je wón za wšěch wobdźelnikow zawjazowacy. Kurs přenjeje pomocy z druhich městnow njemóža wotnětka hižo přiličić. Přizjewjenja přijimuja hač do srjedy, 8. januara, online. Link je pod [www.posol.de](http://www.posol.de) podaty.

## **Zwukowa instalacija znowa přistupna**

Spirituelnu zwukowu instalaciju wo psalmje 23 móža wopytowarjo po léće 2021 znowa w Rakečanskej ewangelskej cyrkwi dožiwić. Wona je hač do njedzele, 2. februara, přistupna. Psalm wo dobrym pastyrju předstajeja w modernym wobdźělanju a ze swětłowymi efektami. Wopytowarjo smědža so, na hudźbu słuchajo, po cyrkwi pohibować. Boži dom je wšědnje wot 9.00 do 20.00 hodź. přistupny.